

**Timbalan: Pertandingan 3 penjurur - Azmin, Zaid, Mus  
Malaysiakini.com  
October 16, 2010**

Persaingan merebut jawatan nombor dua PKR adalah pertandingan tiga penjurur membabitkan naib presiden parti itu, Azmin Ali, ketua Wilayah Persekutuan, Datuk Zaid Ibrahim dan ketua perhubungan negeri Perak, Mustaffa Kamil Ayub.

Azmin yang juga adalah ketua perhubungan negeri Selangor, merupakan calon pertama mengemukakan borang penerimaan pencalonan.

"Pada tepat jam 11.05 pagi tadi, dengan penuh keinsafan, saya menerima pencalonan sebagai timbalan presiden.

"Saya berharap anggota terus memberi sokongan dan selepas pemilihan ini parti (kita) akan lebih kuat, anggota menjadi matang, demokrasi akan terus subur dan reformasi ditegakkan di Putrajaya," katanya.

Turut berada di atas pentas, adalah exco Selangor Dr Xavier Jayakumar yang menyokong Azmin. Beliau pula menawarkan diri untuk bertanding naib prtesiden.

Zaid yang sejak awal pagi mengesahkan bahawa beliau akan bertanding menerusi blognya dan kemudiannya menghantar wakil untuk mengemukakan penerimaan pencalonannya.

Menteri Besar Selangor, Tan Sri Khalid Ibrahim dan puteri reformasi PKR yang juga ahli parlimen Nurul Izzah Anwar yang sebelum ini disebut-sebut akan bertanding, bagaimanapun tidak berbuat demikian.

Nurul Izzah yang juga anak ketua umum PKR dan presiden parti itu kemudiannya mengumumkan bahawa beliau akan bertanding merebut satu daripada empat jawatan naib presiden.

Puteri reformasi itu berkata, beliau menolak pencalonan bagi timbalan presiden dan memilih bertanding jawatan nombor tiga itu disebabkan keterbatasan dan ruang yang beliau ada.

"Saya mahu membudayakan politik harapan dan pembebasan dan memperkukuhkan asas-asas demokrasi parti dalam usaha memperkasakan suara dan semangat generasi muda,"katanya dalam satu sidang media selepas menghantar borang pencalonannya.

Ditanya mengapa beliau tidak bertanding untuk jawatan timbalan, sedangkan beliau layak berbuat demikian, Nurul Izzah berkata:

"Semua calon yang bertanding layak akan membuat sedaya mungkin untuk memmbantu memperkukuhkan parti.

"Dalam ruang dan keterbatasan yang saya, ada, saya fikir inilah (bertanding naib presiden) jalan terbaik untuk saya buat masa ini. Yang penting adalah kesetiaan dan perjuangan parti dan terus mempromosi politik harapan dan pembebasan demi memastikan Malaysia dijauhkan daripada politik kebencian dan perkauman".

Perjuangan reformasi

Sementara itu, Mustaffa Kamil Ayub yang berulang kali berkata tidak akan menarik diri mengotakan janjinya untuk bertanding jawatan timbalan presiden.

Beliau menyerahkan borang tawarannya itu kira-kira jam 12.50 pagi di ibu pejabat parti.

"Saya tawarkan diri untuk berkhidmat dengan parti kerana saya yakin demokrasi ada dalam parti.

"Saya akan meneruskan agenda kepimpinan dan kekuatan dalam parti sehingga ia terus diyakini," katanya dalam ucapan selepas mengemukakan penawarannya.

Menurutnya lagi, beliau mempertaruhkan segala pengalaman beliau sewaktu memimpin pertubuhan belia Islam dan selaku bekas Setiausaha Politik Tan Sri Muhyiddin Yassin untuk meneruskan perjuangan reformasi.

Tambahnya, beliau menawarkan politik baru yang menekankan politik nilai yang berteraskan profesionalisme dan menolak politik perkauman.

Sementara itu, Datuk Zaid Ibrahim yang tiba kemudian, dalam ucapannya berkata ahli parti perlu diberi kesedaran terlebih dahulu sebelum parti bercakap tentang perubahan dan transformasi.

"Ia perlu untuk menjayakan harapan kita yang terpendam... Dengan itu saya minta ahli dan penyokong tumpu dalam pemilihan dengan kempen yang sihat.

Ganyang BN

"Jangan mereka-reka cerita, jangan laga-lagakan sesama kita, kita mahu kesatuan yang kukuh. Itu sahaja yang boleh ganyang BN," katanya.

Katanya, parti ini bukan parti untuknya, tapi parti untuk rakyat.

Ahli parlimen Batu, Tian Chua, yang juga merupakan bekas naib presiden PKR telah memilih untuk tidak bertanding jawatan timbalan presiden meskipun telah mendapat lima pencalonan.

Beliau juga seperti Nurul Izzah, akan merebut jawatan naib presiden.

Semua calon mempunyai masa sehingga jam 6 petang tadi untuk mengesahkan sama ada mereka menerima pencalonan untuk bertanding jawatan masing-masing. 24 Oktober ini telah ditetapkan sebagai tarikh pengumuman calon yang sedia bertanding.

Penerimaan pencalonan dibuka mulai jam 10 pagi ini di luar pusat pencalon yang ditubuhkan di ibu pejabat parti di Tropicana, Kuala Lumpur.

Suasana sejak pagi dilaporkan bagaikan pesta dengan lima kanopi besar dipasang untuk proses pengambilan borang penerimaan calon.

Sejak beberapa hari kebelakangan ini, terdapat usaha sengit bagi mengatur percaturan dalam usaha menentukan kepimpinan PKR.

Jawatan naib presiden juga dijangka amat sengit dengan hampir 30 calon yang layak bertanding meskipun ramai dijangka akan mengundurkan diri.

"Hari penerimaan calon Pemilihan Pimpinan PKR. 252 dicalonkan untuk pelbagai jawatan. Ramai akan tarik diri. Tentu ada memeranjatkan," kata timbalan presiden PKR Syed Husin Ali yang tidak akan mempertahankan jawatannya menerusi tweeter.

AMK: Shamsul nafi 'u-turn'

Bagi kerusi Pemuda - AMK, - ketuanya sekarang Shamsul Iskandar Mohd Akin juga akan mempertahankan jawatannya.

Shamsul sebelum ini dikatakan berminat menjawat jawatan lebih tinggi dalam PKR tetapi menukar hasratnya kerana dipercayai sedar bahawa peluangnya agak tipis.

"Ada banyak media kata saya *u-turn*, tapi saya bukan *u-turn*, ini tafsiran media.

"Saya takde *u-turn*, saya cuma sampai satu *T-junction*, boleh pusing ke kanan atau kiri," kata Shamsul yang cuba berkias.

"Kalau pusing kanan, saya tahankan jawatan ketua AMK, kalau kiri, saya tanding naib presiden. Jadi saya sekarang pergi kanan," katanya.

Menurutnya, semua calon bertanding atas semangat setia kawan dan keputusannya itu dibuat demi kepentingan parti dan bukannya peribadi.

Ditanya sama ada tindakannya itu dilihat tidak adil kepada Chegubard, Shamsul berkata: "kita semua mempunyai peluang yang sama."

Shamsul akan dicabar oleh Badrul Hisham Shahrin, yang lebih dikenali sebagai Chegubard.

Sementara itu, dua lagi calon yang disebut-sebut sebelum ini untuk turut bertanding bagi jawatan penting itu, iaitu Rafizi Ramli dan Hasmi Hashim dilaporkan menarik diri.

Setakat ini, mereka belum membaut penjelasan tetapi dipercayai kerana 'arahan' daripada pemimpin atasan PKR.

Senarai calon yang telah mengesahkan penerimaan pencalonan

Presiden

Dr Wan Azizah Wan Ismail

Timbalan presiden

Azmin Ali  
Zaid Ibrahim  
Mustaffa Kamil Ayub

Naib presiden (17 calon untuk 4 jawatan)

Abdullah Sani Abdul Hamid  
Ansari Abdullah  
Baru Bian  
Dominique Ng  
Fuziah Salleh  
N Gobalakrishnan  
Jimmy Donald  
Jonson Chong  
S Manikasavagam  
Mansor Othman  
Mohd Yahya Sahri  
Nurul Izzah Anwar  
R Sivarasa

Suresh Kumar Ramachandran  
Tian Chua  
Dr Xavier Jayakumar  
Yusmadi Yusoff

Ketua AMK

Shamsul Iskandar Md Akin  
Badrul Hisham Shaharin

Ketua Wanita

Animah Ferrar  
Suraya Sudin  
Zuraida Kamaruddin

Majlis tertinggi (111 calon untuk 20 jawatan)

Abang Zulkifli Abang Engkeh  
Abbas Awang  
Abdul Rahman Yusof  
Abdul Halim Hussain  
Abdul Latif A Tambi  
Abdul Malik Abdul Kassim  
Abdul Manan Othman  
Abdul Razak Mohamed Jalil  
Abdul Wahab Ibrahim  
Ahmad Jufliz Faiza  
Alinah Dompong  
Aminuddin Harun  
Amran Abd Ghani  
Andonny Pilit @ Anthony Biri Mandia  
Animah Ferrar  
Azan Ismail  
Azizan Jamaludin  
Azman Abidin  
Badrul Zaman PS Md Zakariah  
Baharuddin Arif Siri  
Beti @ Mohd Said Gapor  
Chai Tong Chai  
Cheah Kah Peng  
Christina Liew  
Christopher Kyu  
Dominique Ng  
Dr Mahendran V Markandoo  
Dr Noraini @ Ahmad Faidhi Saidi  
Dr R Krishnamoorthy  
Dr Tan Kee Kwong  
Elizabeth Wong  
Fariz Musa  
Francis Sebastian  
George Chen Nyuk Fa  
Felicia Ling

Gurmit Singh Hullon  
Haniza Talha  
Harbajan Kaur  
Hasnah Hashim  
Hassan Karim  
Hee Loy Sian  
Ismail Yusop Ahli  
Jalumin Bayagoh  
Johari Abdul  
John Antau Anak Linggang  
Joseph Wilfred  
Juliana Jusit  
Kalakau Untol  
Kamal Badri Tak M Zainudin  
Khalid Jaafar  
Khew Kim Poo  
Ko Chu Liang  
Krishnasamy Punusamy  
Kotappan Suppiah  
Latheefa Koya  
Low Chee Chong  
MS Arjunan  
M Mathialagan  
Manikumar Subramaniam  
Mat Shuhaimi SMd Yusof Saad  
Md Shah Amin  
Mohd Nazar Mohd Yakain  
Mohd Annuar Mohd Salleh  
Mohd Izwan Hafiz Othman  
Mohd Roslan Puteh Ahli  
Mohd Yatim Ismail  
Muhamad Kamel Yassin  
Murali Subramaniam  
Mustapha Kamal Mohd Yusoff  
Muzaffar Shah Khairuddin  
Nik Mahmood Nik Hassan  
Nicholas Bawin  
Nordin Ismail  
Ong Khan Lee  
Onn Abu Bakar  
Pajudin Nordin  
Ponnusamy Nagamuthu  
Pui Aen Du  
Punusamy Govindasamy  
Radzali Mokhtar  
Ravi Munusamy  
Rohani Bakar  
Roland Chia  
Rozaini Mohd Rosli  
S Kesavan  
Salma Ismail  
Selvarajan Rathinam  
Shanmugam Rengasamy

Sharifuddin Budin  
Sivam Veeramuthu  
Siti Aishah Shaik Ismail  
Suhaimi Mohd Nor  
Sulaiman @ Suhaimi Said  
Suraya Sudin  
Syed Hamid Ali  
Syed Shahir Syed Mohamud  
Tai Sing Ng  
Thuraiyah Abd Aziz  
Tuan Zamri Ariff  
Vasanth Kumar Krishnan  
Wan Salleh Wan Isa  
Wan Zainal Abidin Wan Senusi  
Yaakob Sapari  
Yusmadi Yusoff  
Zabadi Abbas  
Zahari Mamat  
Zainon Jaafar  
Zakaria Abd Hamid  
Zakaria Abdul Rahim  
Zamri Yusuf

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/145515>